

ასპინძის

სახელოვნო

ასპინძის მუნიციპალიტეტი * ივნისი. 2025 * (4)107

დანიშვნა



საქართველოს პრემიერ-მინისტრის განკარგულებით მიმდინარე წლის 6 მაისს სამცხე-ჯავახეთის მხარის რწმუნებულად დანიშნა ზაალ გელაშვილი.

ზაალ გელაშვილი დაიბადა 1969 წელს ბორჯომის რაიონის სოფელ წაღვერში. წარჩინებით დაამთავრა იმავე

სოფლის საშუალო სკოლა, ხოლო შემდეგ – ივ. ჯავახიშვილის სახელობის თბილისის სახელმწიფო უნივერსიტეტი. არის სამართალმცოდნეობის მაგისტრი.

2003-2015 წლებში ადვოკატთა ასოციაციის წევრია; იყო კომპანია „მაგის“ დამფუძნებელ-პარტნიორი;

2016-2017 წლებში მუშაობდა შინაგან საქმეთა სამინისტროს გენერალური ინსპექციის დისციპლინური დევნის, ინსპექტირების და ფინანსური დარღვევების შემოწმების მთავარი სამმართველოს უფროსად;

2022-2025 წლებში ზაალ გელაშვილი მხარის რწმუნებულის თანამდებობაზე დანიშნულად იყო ბორჯომის მუნიციპალიტეტის სსიპ „ბაკურიანის განვითარების სააგენტოს“ ზედამხედველობის სამსახურის უფროსი.

შეხვედრა იუნიონის მეხებთან

ახლახან სამცხე-ჯავახეთის სახელმწიფო რწმუნებულმა ზაალ გელაშვილმა მუნიციპალიტეტის მერებთან განიხილა რეგიონში მიმდინარე და დაგეგმილი პროექტები.

სამუშაო შეხვედრაზე მუნიციპალიტეტებში მიმდინარე ინფრასტრუქტურული პროექტების დაგეგმილ ვადებში შესრულების მნიშვნელობაზე ისაუბრეს.

მერებთან თათბირზე სამცხე-ჯავახეთის სარაგბო კლუბის ხელმძღვანელმა ირაკლი გვენეტაძემ სახელმწიფო რწმუნებულს ჩატარებული სეზონის შემაჯამებელი პრეზენტაცია წარუდგინა და სამომავლო გეგმები გააცნო.

თავის მხრივ შეხვედრის მონაწილეებმა კლუბის განვითარების პერსპექტივებზე გაამახვილეს ყურადღება. „ტაო“ საქართველოში პირველი ინტერმუნიციპალური კლუბია, რომელიც რეგიონის ექვსივე მუნიციპალიტეტის მიერ არის დაფუძნებული.

შეხვედრას აგრეთვე ესწრებოდნენ რწმუნებულის მოადგილე სერგო მუშკუდიანი, რწმუნებულის აპარატის უფროსი გიორგი მიქელაძე, რეგიონული პროექტების კოორდინირების სამსახურის უფროსი მარინა გაჩეჩილაძე და ადგილობრივი თვითმმართველობის სამსახურის უფროსი გოჩა ბერიძე.



17 მაისს საზოგადოებრივ ადგილზე იქნა აღმართი ოჯახის სიმბოლოს დღე!

„პატიოსან კაცს სწამს ღმერთი, სწამს ტრადიცია, სწამს ოჯახი, სწამს მაგალითი თავის მამისა, სწამს ერთგულება!“ – ბრძანებდა დიდი ფრანგი მწერალი ვიქტორ ჰიუგო. ამ ჭეშმარიტებაზე ვინ ვართ ჩვენ, რომ საპირისპირო აზრი გამოვთქვათ! მაგრამ, ჩვენდა საუბედუროდ, დღეს ამ ჭეშმარიტ აზრს, ე.წ. ლიბერასტები, სადაც კი ხელი მიუწვდებათ, რევიზიას უტარებენ, ცვლიან ღვთისგან ბოძებულ ადამიანთა აზროვნებას.

განა მტკიცება უნდა იმას, რომ ოჯახის სიმბოლიცეზია დამოკიდებული ქვეყნის სიძლიერეზე! ოჯახი ესაა ყველაზე წმინდა რამ, რაც ოდესმე ადამიანს შეუქმნია. ადამიანი ის ფენომენია, რომელიც ყველა სულდგმულისაგან განსხვავდება. პატიოსანება, სიყვარული, მოყვასის დაფასება, ქვეყნისათვის თავგანწირვა, მხოლოდ პატიოსან ოჯახურ გარემოში იბადება და იწრება! არც პატრიოტიზმი მოდის თავისით. იგი ჭეშმარიტ



ოჯახში ყალიბდება. ეროვნული სულის სიმტკიცეც ოჯახიდან მოდის! ნამდვილ

ადამიანს ნებისმიერ მომენტში ძალუძს საკუთარი ოჯახისათვის, რწმუნისათვის,

სამშობლოსათვის თავგანწირვა. და თუ ეს დავკარგეთ, დავანგრეთ, ოჯახისადმი სიყვარული გავაქარწყლეთ, ქვეყნის საქმეც უკუღმა დატრიალდება.

ყველას კარგად მოეხსენება, რომ 2014 წლიდან სრულიად საქართველოს კათალიკოს-პატრიარქის ილია მეორის ლოცვა-კურთხევით დაარსდა და ტრადიციულად მთელი ქვეყნის მასშტაბით 17 მაისს აღინიშნება ოჯახის სიმბოლოს დღე. წელს კი განსაკუთრებული ხალხმრავლობით გამოირჩეოდა ეს დღე როგორც ქვეყნის დედაქალაქში, ასევე რეგიონებში, მათ შორის სამცხე-ჯავახეთში.

ამ დღეს ქალაქ ახალციხეში, რეგიონის მოსახლეობა დილიდანვე შეიკრიბა ამაღლების სახელობის ტაძართან, რის შემდეგაც მსვლელობა მოეწყო წმინდა შალვა ახალციხელის სახელობის საკათედრო ტაძრამდე, სადაც აღევლინა ღვთისმშობლის სავედრებელი პარაკლისი.

დამოუკიდებლობის დღის მიმეორება

26 მაისს, საქართველოს დამოუკიდებლობის დღეს, ადგილობრივი თვითმმართველობის წარმომადგენლებმა ასპინძის მუნიციპალიტეტის გართობისა და დასვენების პარკში საქართველოს ერთიანობისათვის ბრძოლაში დაღუპული გმირების მემორიალი გვირგვინებითა და ყვავილებით შეამკეს.

საქართველოს ერთიანობისათვის ბრძოლაში დაღუპულთა მოსახსენიებელი პანაშვიდი ასპინძის წმინდა გიორგის სახელობის ეკლესიის მღვდელმსახურმა მამა დავითმა აღავლინა.

ზუსტად 107 წლის წინ, 1918 წლის 26 მაისს, თბილისში საქართველოს ეროვნულმა საბჭომ სახელმწიფოებრივი დამოუკიდებლობის აქტი მიიღო.

ამ დღესთან დაკავშირებით ასპინძის

კულტურის ცენტრში საქართველოს დამოუკიდებლობის დღისადმი მიძღვნილი საზეიმო კონცერტი გაიმართა.

აღნიშნულ ღონისძიებაზე მონაწილეობას ლებულობდნენ ადგილობრივი შემოქმედებითი ჯგუფები: ა(ა)იპ ასპინძის სახელოვნებო და სამუზეუმო დანესტრულებათა გაერთიანება – კულტურის ცენტრის თანამშრომლები, ფოლკლორული ანსამბლი „წუნდა“, ბავშვთა ქორეოგრაფიული ანსამბლი „ვარძია“ და ა(ა)იპ ვ. მაღრაძის სახელობის სამუსიკო სკოლის პედაგოგები.

ღონისძიებას ორგანიზება გაუწია ასპინძის მუნიციპალიტეტის მერიის კულტურის, განათლების, ძეგლთა დაცვის, სპორტის, ახალგაზრდულ საქმეთა და ტურიზმის განვითარების სამსახურმა.



მუნიციპალიტეტის სახეზელოში

ახლახან გაიმართა მუნიციპალიტეტის საკრებულოს მორიგი სხდომა. საკრებულოს სხდომის ფარგლებში დეპუტატებმა განიხილეს დღის წესრიგით გათვალისწინებული შემდეგი საკითხები:

1. „ასპინძის მუნიციპალიტეტის საკრებულოს რეგლამენტის დამტკიცების შესახებ“ ასპინძის მუნიციპალიტეტის საკრებულოს 2014 წლის 14 ივლისის №9 დადგენილებაში ცვლილების შეტანის თაობაზე;

მომხს: ბ. ბერიძე; გ. ჯვარიძე;

2. „ასპინძის მუნიციპალიტეტის საკრებულოს გენდერული თანასწორობის საბჭოს შექმნისა და საბჭოს დებულების



დამტკიცების შესახებ“ ასპინძის მუნიციპალიტეტის საკრებულოს 2017 წლის 8 სექტემბრის №21 დადგენილებაში ცვლი-

ლების შეტანის შესახებ;

მომხს: ბ. ბერიძე; გ. ჯვარიძე;

3. „ასპინძის მუნიციპალიტეტის 2025 წლის ბიუჯეტის დამტკიცების შესახებ“ ასპინძის მუნიციპალიტეტის საკრებულოს 2024 წლის 20 დეკემბრის №27 დადგენილებაში ცვლილების შეტანის თაობაზე;

მომხს: ბ. ბერიძე; ა. ტივაძე; გ. ჯვარიძე;

4. „ასპინძის მუნიციპალიტეტში გენდერული თანასწორობის უზრუნველყოფად განსახორციელებელი 2024-2025 წლების სამოქმედო გეგმის დამტკიცების

შესახებ“ ასპინძის მუნიციპალიტეტის საკრებულოს 2024 წლის 09 თებერვლის №გ-121. 121240402 განკარგულებაში ცვლილების შეტანის თაობაზე;

მომხს: ბ. ბერიძე; ა. ტივაძე; გ. ჯვარიძე;

5. ასპინძის მუნიციპალიტეტის 2025 წლის 3 თვის ბიუჯეტის შესრულების ანგარიშის შეფასების შესახებ;

მომხს: ბ. ბერიძე; ა. ტივაძე; გ. ჯვარიძე;

საკრებულოს სხდომას თავმჯდომარეობდა ბესიკ ბერიძე.

მაკა ბერიძე

გრძელდება მეფე ირაკლი II-ის ქუჩის რეაბილიტაცია



ჩვენი გაზეთის ერთგულ მკითხველს სისტემატურად ვთავაზობთ ახალ-ახალ ინფორმაციებს იმის თაობაზე რაც სინამდვილეში ხდება მუნიციპალიტეტის სინამდვილეში.

ყოველწლიურად, აგერ უკვე ათი წელია ვამბობთ, რომ დაბამ ფაქტიურად მთლიანად შეიცვალა იერსახე, კეთილმოეწყო ქუჩები, ტროტუარები, დასასვენებელი პარკები, ბავშვთა გასართობი

ობიექტები, გარე განათება თუ სისუფთავის დაცვა მთავარ პრიორიტეტებად იქცა, რაც მოსახლეობის ფართო მასების კეთილგანწყობას ქმნის ადგილობრივი თვითმმართველობის ორგანოების მიმართ და, რა თქმა უნდა, სხვადასხვა საკითხების მოგვარების მიზნით მოსახლეობის ინტერესი ჩნდება, რომელთა მოგვარება კიდევ უფრო აუმჯობესებს მოსახლეობისათვის საჭირო სოციალური

საკითხების გადაწყვეტასა თუ სხვადასხვა მიმართულებით ინფრასტრუქტურული პროექტების განხორციელებას.

აქვე მკითხველის ყურადღებას იმაზეც გადავიტანთ, რომ არის რიგი ინფრასტრუქტურული ობიექტები, რომელთა სრული რეაბილიტაცია ერთ კალენდარულ წელზე არაა გათვლილი – გარდამავალი ობიექტის რამდენიმე წლიან პროგრამას ითვლისწინებს.

ერთ-ერთი ასეთი პროექტია დაბამი ერეკლე მეორის ქუჩის რეაბილიტაცია, რომელიც ორი წლის წინ დაიწყო და მისი სრული რეაბილიტაცია მიმდინარე წლის ბოლოსთვის არის დაგეგმილი. ამ ეტაპზე უკვე შესრულებულია მიწისქვეშა სამუშაოები, დამთავრდა გაზგაყვანილობის, სასმელი წყლის მილების ჩანყობა, საკანალიზაციო ქსელის რეაბილიტაცია, დეკორატიული ღობეების მოწყობა, მშენებლობის პროცესშია ქუჩის ორივე მხარეს თანამედროვე სტანდარტების დონეზე ტროტუარები და ა.შ.

აღნიშნული სამუშაოების მაღალ ტექ-

ნიკურ დონეზე შესრულების მიზნით სისტემატური კონტროლი აქვს დანესებული მერიის ზედამხედველობის სამსახურს, შესაბამის პასუხისმგებელ ოფიციალურ პირებს. აქვე უნდა ითქვას, რომ იგი მერიის სისტემატური ყურადღების ქვეშაა, რაც იმის გარანტიაა, რომ სამშენებლო-სამოტაჟო სამუშაოები მაღალ პროფესიულ დონეზე იქნება შესრულებული.


ახლახან ასპინძის მუნიციპალიტეტის მერმა როსტომ მაგრაქველიძემ, საკრებულოს თავმჯდომარემ ბესიკ ბერიძემ და მერიის პირველმა მოადგილემ დავით პაპაშვილმა აღნიშნულ ქუჩაზე მიმდინარე სარეაბილიტაციო სამუშაოები კიდევ ერთხელ დაათვალიერეს.

როგორც ითქვა განსაზღვრულ ვადებში დაიწყება პროექტით გათვალისწინებული ასფალტო-ბეტონის საფარის დაგება და სხვა საგზაო ინფრასტრუქტურის მოწყობა.

სამშენებლო-სარეაბილიტაციო სამუშაოების ღირებულება შეადგენს 641 310 ლარს.

მიმდინარეობს შიდა გზების კეთილმოწყობა

მუნიციპალიტეტის მასშტაბით ბოლო ათწლეულია ინტენსიურად მიმდინარეობს სოფლებისა და დასახლებული პუნქტების ინფრასტრუქტურული პროექტების განხორციელება. ამ კუთხით არც სოფელი რუსთავია გამონაკლისი, სადაც ბევრი საგულისხმო სამუშაო ჩატარდა და იგი ერთ-ერთ ლამაზ და მოვლილ სოფლად იქცა. სათანადო ყურადღება მიექცა სოფლის ქუჩების განათებას, დასუფთავებას, სასმელი და სარწყავი წყლის პრობლემების მოგ-



ვარებას. ახლახან კი დაიწყო და აქტიურად მიმდინარეობს შიდა გზების რეაბილიტაცია

აღნიშნულ სამუშაოებს აწარმოებს ტენდერში გამარჯვებული კომპანია შპს „საგზაო სამშენებლო სამმართველო N2“, რომლის სახელშეკრულებო ღირებულება შეადგენს 790 000 ლარს.

პროექტის ფარგლებში დაგეგმილია ასფალტო/ბეტონის საფარისა და სხვა საგზაო ინფრასტრუქტურის მოწყობა.

ანსამბლ „სამცხის“ აღიარება



ჩვენი გაზეთის ფურცლებზე ხშირად ვაქვეყნებთ წერილებსა და ინფორმაციებს იმის თაობაზე, რომ მიზანმიმართული მუშაობის შედეგად წლიდან წლამდე მუნიციპალიტეტის სინამდვილეში მნიშვნელოვნად უმჯობესდება კულტურის სფეროს მუშაობა. ამ ხანებში კიდევ ბევრი მნიშვნელოვანი და საყურადღებო ფაქტი დაფიქსირდა, რაც ამ სფეროს მესვეურთა დაუღალავი შრომის შედეგია. ფაქტია, რომ დადებითი შედეგები

განსაზღვრავს დარგის წარმატებებს.

ამ დღეებში კიდევ ერთი სასიხარულო ამბის მომსწრენი გავხდით:

ქართული ქორეოგრაფიის ეროვნული ცენტრის ორგანიზებით თბილისის არტ-ჰოლის საკონცერტო დარბაზში ჩატარდა საერთაშორისო ფოლკლორული ფესტივალი „მომავალი ჩვენია!“

ფესტივალში მონაწილეობა მიიღო რესპუბლიკის 25-მა ანსამბლმა. მათ შორის – ასპინძის მუნიციპალიტე-

ტის სახეს წარმოადგენდა ანსამბლი „სამცხე“, რომელმაც მნიშვნელოვან წარმატებას მიაღწია და პირველი ადგილი დამსახურებულად მიიღო, ასევე ანსამბლის ხელმძღვანელს ჯაბა ასპანიძეს მიენიჭა სრულიად საქართველოს კათალიკოს-პატრიარქის ილია მეორის პრემიის ლაურეატის საპატიო წოდება.



თითოეული ასპინძელისთვის ეს ფრიად სასიხარულო ფაქტია. აღნიშნული ანსამბლი რომ ხშირად აღწევს რესპუბლიკურ ფესტივალებში დიდ წარმატებებს, არახალია, მაგრამ მათი საერთაშორისო ღონისძიებებში მონაწილეობის და გამარჯვების მომ-

სწრენიც არაერთხელ გავმხდარვართ. ეს კი მუნიციპალიტეტის მერიის და შესაბამისი სამსახურების დიდი მხარდაჭერის შედეგით არის განპირობებული და იმედია ეს მხარდაჭერა კიდევ უფრო გაიზრდება და ანსამბლი „სამცხე“ მომავალშიც კვლავაც ბევრჯერ გაახარებს გულშემატკივრებს.

საერთაშორისო ფოლკლორულ ფესტივალზე აღნიშნული პრემია ანსამბლის ხელმძღვანელს ჯაბა ასპანიძეს საზეიმო ვითარებაში გადასცა აჭარის ავტონომიური რესპუბლიკისა და საქართველოს დამსახურებულმა ქორეოგრაფმა, ქორეოლოგმა, პედაგოგმა და საზოგადო მოღვაწემ ლაუზ (რეზო) ჯანიშვილმა და ცნობილმა ქართველმა პოეტმა და საზოგადო მოღვაწემ ერეკლე საღლიანმა.

ამასთან მნიშვნელოვანია ისიც, რომ ქართული ქორეოგრაფიის ეროვნულმა ცენტრმა რეკომენდაცია მისცა ქორეოგრაფიული ანსამბლ „სამცხეს“ მიმდინარე წლის ზაფხულში მონაწილეობა მიიღოს თურქეთის რესპუბლიკის საკურორტო ქალაქ ბოდრუმში ფოლკლორის საერთაშორისო საბავშვო და ახალგაზრდულ ფესტივალში.

შოთა ღომსაძის საიუბილეო საღამო

2006 წელს გამომცემლობა „საარმა“ დასტამბა დიდი ქართველი ისტორიკოსის შოთა ღომსაძისადმი მიძღვნილი შესანიშნავი კრებული „შოთა ღომსაძე — სამცხე-ჯავახეთის მემკვიდრე“, რომლის შემდგენელ-გამომცემელი იყო შოთა ღომსაძის მეუღლე, ისტორიის მეცნიერებათა დოქტორი ლეილა ბურჯანაძე. კრებულში სხვა მრავალ საინტერესო მასალასთან ერთად შესულია ცნობილ ქართველ მწერალთა და მეცნიერთა წერილები მიძღვნილი ბატონ შოთასადმი, რომლებიც ჭეშმარიტ შეფასებას აძლევენ მის როგორც პიროვნულ თვისებებს, ასევე განუხაზღვრელ როლს ქართულ ლიტერატურასა და ისტორიოგრაფიაში, განსაკუთრებით მის ღვაწლს სამცხე-ჯავახეთის ისტორიის შესწავლაში. შოთა ღომსაძის ფუნდამენტური ნაშრომი „სამცხე-ჯავახეთი“ ხომ შეუფასებელია და რეალურ სურათს იძლევა ზოგადად მესხეთის ტრაგიკულ ისტორიაზე. მხოლოდ ფაქტებზე დაყრდნობით შეძლო შოთა ღომსაძემ ობიექტურად აეხსაზ თურქთა და ცარისტული რუსეთის ბატონობის ხანაში მესხეთში არსებული მოვლენები.

ახლახან შოთა ღომსაძეს დაბადებიდან 100 წელი შეუსრულდა. ამ დღის აღსანიშნავად, „საბიბლიოთეკო კვირეულის“ ფარგ-

ლებში, ასპინძის ცენტრალური რაიონული ბიბლიოთეკის ინიციატივით, სამუსიკო სკოლის დარბაზში გაიმართა საიუბილეო საღამო, სადაც დამსწრე საზოგადოებას წარუდგინეს შოთა ღომსაძე — როგორც პოეტი. ლიტერატურულ კომპოზიციაში მონაწილეობდნენ ასპინძის საჯარო სკოლის VI-X კლასის მოსწავლე-ახალგაზრდები და სამუ-

სიკო სკოლის გოგონათა გუნდი. მათ მიერ წაკითხული იქნა პოეტის მიერ ძირითადად მესხეთის თემატიკაზე შექმნილი ლექსები და ქართველ კომპოზიტორთა პატრიოტულ თემატიკაზე შექმნილი სიმღერები. აღინიშნა ისიც, რომ შოთა ღომსაძე ერთ-ერთი პირველი პოეტია სამცხე-ჯავახეთიდან, რომელმაც მხარეში საფუძველი ჩაუყარა თანამედროვე ქართულ პოეზიას.

საიუბილეო საღამოს ესწრებოდნენ და სიტყვით გამოვიდნენ მუნიციპალიტეტის მერის მოადგილე ლევან ბერიძე, სოფელ საროს საჯარო სკოლის დირექტორი მაია ბოლოთაშვილი და გაზეთ „ლიტერატურული მესხეთის“ რედაქტორი ავთანდილ ბერიძე.

ლონისძიებს უძღვევოდა საიუბილეო საღამოს ორგანიზატორი, ამავე ბიბლიოთეკის უფროსი ბიბლიოთეკარი ნუნუ ბუჩუკუ-რი.

მანანა ზაფხინიძე



თოჯელი ზახიდების გვახის ისტორია

დასაწყ. წინა ნომერი

ზარიძეები ბეგებთან კარგად იყვნენ, სოფელში ცხვარი შუადღით მოჰყავდათ დასახელებად, ბეგები ქარაფის თავზე იჯდნენ და ქვაზე გაკეთებულ მაგიდაზე წარდს თამაშობდნენ, როცა დაინახავდნენ ცხვრის ფარას, ფეხზე წამოდგებოდნენ — სერგოი მოდისო, ცხვარი რომ გაივლიდა, მერე დაჯდებოდნენ და წარდის თამაშს გააგრძელებდნენ. ერთხელ ბეგების ბავშვებმა ცემეს ზარიძეების ბავშვები. ზარიძეების რძალი მიეჭრა ბეგებს სახლში და ერთი ამბავი დააწერა. ბეგებმა თავიანთი ბავშვები ზარიძეების ბავშვებს მოანათლენ და დამეგობრდნენ ოჯახებით. როგორც ზემოთ აღინიშნა, დიდი ხნის მშვიდობის გამო სოფელ თოჯის მოსახლეობა ძალიან გამრავლებულა. ვინაიდან ზარიძეები ძალიან მცირე ფართობის მიწის ნაკვეთებს ფლობდნენ, ამის გამო გიორგი (წინილა) მათეს ძე ზარიძემ წაიყვანა თავისი ძმის შვილი შაქრო დიმიტრის ძე ზარიძე და დამკვიდრდა არტაანის მხარეში, ერთ-ერთ სოფელში, სადაც დამკვიდრდნენ და თავიანთი შრომითა და გარჯით კარგი მეურნეობა შექმნეს.

ამასობაში დაიწყო პირველი მსოფლიო ომი. 1914 წელს სოფლიდან ომში გაიწვიეს მხოლოდ ქართველები, მეფის რუსეთის ხელისუფლება თურქებს, ქურთებს და გათათრებულ ქართველებს არ ენდობოდნენ, ამიტომ ომში არ გაუწევიათ, ომში თავიანთი თხოვნით და ნებით მხოლოდ გათათრებული ბეგების შვილები წავიდნენ, თოჯიდან — აბაშიძეები, გოიკოდან — ლვინიაშვილები, ახალქალაქიდან — ფალავანდიშვილები, ხერთვისიდან — ვაწანაძეები და აშ. როგორც ვთქვით, მესხეთ-ჯავახეთიდან ომში გაიწვიეს მხოლოდ ქრისტიანი ქართველები და სომხები, 18 წლის ასაკიდან 45 წლის ასაკის ჩათვლით, განუყულები ძირითადად სარიცხების ფრონტზე ბრძოლდნენ და მიიღეს სრული სამხედრო სამსწრობო განათლება და ჩამოყალიბდნენ კარგი მეომრებად. 1917 წლის ოქტომბრის რევოლუციის შემდეგ ფრონტები მოიშალა და ქართველი ჯარისკაცები დეკემბრის თვეშივე თავიანთ სახლებში დაბრუნდნენ მაშხანებით, თოფებით და დიდძალი საბრძოლო მასალით, ასევე რუსეთში ბრუნდებოდა რუსი ჯარისკაცები და ოფიცრობა, საქართველო და კავკასია გაიარა დაახლოებით ერთი მილიონმა რუსმა ჯარისკაცმა და ოფიცერმა, ისინი იარაღს ცვლიდნენ ადგილობრივ მოსახლეობაში საქმელში და ტანსაცმელში, რის გამოც კბილებამდე შეიარაღდა ტაო-კლარჯეთის, შავშეთის, არტაანის, სამცხე-ჯავახეთის გათათრებული ქართველი მოსახლეობა, ამასობაში თურქეთის ხელისუფლებამ ადგილობრივ ბეგებს უგზავნიდა არაბულ ენაზე შედგენილ საიდუმლო წერილებს. ერთი

ასეთი წერილი თოჯის ბეგებთანაც მოვიდა, რომელიც შემთხვევით ხელში ჩაუვარდა თოჯელ გაბრიელ ლეკიშვილს, წერილი ისევ თოჯის ბეგს წააკითხეს. ამ წერილით თურქეთის ხელისუფლება იუწყებოდა, რომ გაზაფხულისათვის თურქული არმია დაიკავებდა საქართველოს და მთლიანად კავკასიას, ბეგებს ავალეებდა, რომ შეენარჩუნებინათ სიმშვიდე და არ დაპირისპირებოდნენ ადგილობრივ ხელისუფლებას.

გიორგი ზარიძე წლების განმავლობაში მუშაობდა სოფელ ვარგაჟის სასოფლო საბჭოს მდივნად, მას ურთიერთობები ჰქონდა სოფელ ხიზა-

ნირჩოდნენ, მათ შავი ფერის თხის ტყავისაგან გაკეთებული გულები ჰქონდათ ზურგზე მოკიდებული და ამ გულებში ათავსებდნენ ნაძარცვ ფულს, სამკაულებს და მოტაცებულ ქართველ პატარა ბავშვებს. ბავშვები რად უნდოდათ, არ ვიცით, ვინაიდან ამჟამად იყო, რომ თათრები ემზადებოდნენ ომისთვის. სოფლების — საროსა და ხიზაბაგერის მოსახლეობამაც დაიწყო თავდაცვისათვის მომზადება. საროს მღვდელმა ვლადიმერ ვახტანგის ძე თუთბერიძემ, რომელიც საროში მანამდე მღვდლად მოვიდა შორაპნის მაზრის სოფელ ფუთიდან და ხიზაბაგერელმა



ბაგერის, საროს, ზველ-ჭოხარეთის სასოფლო საბჭოების მმართველებთან, რომლებიც უშუალოდ იყვნენ შემსრულები იმ ავბედით წლებს და მათგანაც ასევე გაგებული ჰქონდა იმ პერიოდში, როგორ სწრაფად და ავბედითად ვითარდებოდა მოვლენები. გიორგი ზარიძის განმარტებით, მესხეთის ბეგებმა ყურად არ იღეს თურქეთის ხელისუფლების მითითება და დაიწყეს ბრძოლებისათვის მომზადება, რათა თურქეთის ჯარის შემოსვლამდე მოეხერხებინათ ახალციხესა და ახალქალაქში მდგარი ახალადწამოყალიბებული ქართული ჯარის გაძევება მესხეთიდან და ახალციხის დაკავება. მათ პარალელურად დაიწყეს დაუცველი ქართული სოფლების მოსახლეობის ძარცვა-გლეჯვა. ჩვენი ქვეყნის მაშინდელი მთავრობა უძღური აღმოჩნდა წინააღმდეგობა გაენიათ გათათრებული ქართველების ბანდებისათვის. თათრების ბრბოს სათავეში ჩაუდგა გათათრებული ქართველი ჯაყელი. შესაბამისად ტაო-კლარჯეთის, შავშეთის, არტაანის და ნიალისყურის გათათრებული ქართველების, ქურთების და თარაქმების შეიარაღებული რაზმები ნელ-ნელა შემოდიოდნენ ვარძიის გზით და სოფელ ხერთვისში გროვდებოდნენ. გზაში ყველას და ყველაფერს ძარცვავდნენ, ქრისტიანებს განურჩევლად ხოცავდნენ. ასევე ხერთვისში მოვიდნენ ფოცხოვისა და ქვაბლიანის ხეობების, აბასთუმნის, ახალციხის თათართა, ასევე მთიანი აჭარიდან წამოსული რაზმები. ფოცხოვის გათათრებული ქართველები ყველასგან გა-

აღესქანდნენ სიმონის ძე ხუციშვილმა ბაკურიანიდან გადმოიტანეს 600 შაშხანა, 4 დაზგის ტყვიამფრქვევის მაქსიმკა, ერთი ზარბაზანი და დიდი ტყვია-წამალი, ხიზაბაგერში შეიქმნა რაზმი, რომელიც 400 კაცზე მეტს ითვლიდა, რომელთა საერთო ხელმძღვანელი იყო ეფრემ ველიჯანაშვილი, საროს რაზმი ითვლიდა დაახლოებით 70 კაცს, რომელსაც ხელმძღვანელობდა მღვდელი ვლადიმერ თუთბერიძე, შესაბამისად ქართველები გაფაციცებით აკვირდებოდნენ სერვერ ბეგის რაზმების თავმოყრას, თვითონ სერვერ ბეგი, რომელსაც უკვე აეღო ახალციხე და იქიდან გაეყარა ქართველი მენშევიკების ჯარი, შემოიარა ურავლის ხეობა და ზველ-ჭოხარეთის გზით გადმოვიდა და დადგა ასპინძაში, შეიარაღებული ბრბო, რაოდენობით 700 კაცი, როგორც ინფორმაცია იყო, უნდა შესეოდნენ ახალქალაქის რაიონის სომხურ სოფლებს და პირწმინდათ უნდა გაეძარცვათ და სომეხი ეროვნების მოსახლეობა დაეხოცათ, თოჯის ბეგები, აბაშიძეები სოფლიდან გავიდნენ და სადაც გადაიკარგნენ, მაგრამ ნაცვლად იმისა, რომ ეს თათრების მრავალათასიანი ბრბო ახალქალაქისკენ წასულიყო, სხვადასხვა მიზეზებით შეტრიალდა და განლაგდა სანიორას თავზე, სადაც ერთ ღამეში გააკეთეს ქვის დიდი კედელი და სანგრები, პარალელურად ემზადებოდნენ სოფელ საროს დასაკავებლად, რაც ქართველებს არ გამოჰპარვიათ მხედველობიდან. სარველებმა ბაკურიანისკენ გადმოიყვანეს ერთი კახელი პოლკოვნიკი. რამდენ-

იმე ქართველ ჯარისკაცთან ერთად, იმ ღამეს საროში დასახმარებლად შემოვიდა 125 შეიარაღებული კაცი ახალქალაქის რაიონის სოფელ ვარევიდან (ქართველები და სომხები). განთიადისას თათრებმა საროზე იერიში მიიტანეს, მათმა ერთმა რაზმმა სოფელ წერაქუნტადან თოჯისკენ დაიწყო წამოსვლა და ეს ამბავი სოფელმაც შეიტყო. გაქცევას ვეღარ ასწრებდნენ. იმისათვის, რომ თათარი შეეკავებინათ და სოფელი გაქცეულიყო ბაკურიანისკენ, სერგო ზარიძემ სახლიდან გამოიტანა თავისი მამულები და კარაბინა, მას ასევე მამულები და კარაბინი ნაჰყვა გაბრიელ ლეკიშვილი და ჩასაფრდნენ წერაქუნტის კლდეებში, იქ სადაც თათრების რაზმს უნდა გამოეცალა. თათართა რაზმი მათი სიმრავლისა და გზის სიგინროვის გამო ორად გაიყო, ერთმა შტომ კლდეს შემოუარა, ნისლს აჰყვა და ბილიკით ავიდა მაღლა, ხოლო მეორე შტო მოვიდა პირდაპირ სერგოსა და გაბრიელის წინ, ამათმაც დაიწყეს სროლა, თათრებმა წესიერადაც არ იცოდნენ იარაღის ხმარება და არც გამოცდილება ჰქონდათ, მაგრამ მიუხედავად ამისა, დაახლოებით 30 თათარი, ადგილებზე იქნა მოკლული. თათრები დაფრთხნენ, აირივნენ და უკან გაიქცნენ. მოხდა ჭყლეტვა და იქაც ბევრი დაზიანდა, მეორე შტო, რომელიც თითქმის კლდემდე იყო ასული, გაიგონეს რა სროლის ხმა, დაბლა ჩაიხედეს და დაინახეს, რომ მხოლოდ ორი კაცი ისროდა. ამათმაც არ დააყოვნეს და ზემოდან დაუწყეს სროლა და გაბრიელ ლეკიშვილი მოკლეს, ხოლო სერგო — დაჭრეს. სერგომ კლდეში არსებულ პატარა გამოქვაბულს შეაფარა თავი და ისე ესროდა მაღლა მყოფ თათრებს, ბოლოს ტყვიანამალი გამოეღია და თათრები რომ მიხვდნენ ტყვია-წამალი გამოეღია, ჩავიდნენ და ხანჯლით მოკლეს სერგო, მერე როცა ნახეს ქართველებმა სერგოს ხელები დაჭრილი ჰქონდა, ეტყობა ხანჯალი ხელებით დაუჭირა (ამ დროს გიორგი ზარიძე თან ჰყვება ამ ამბავს და თან ტირის). სერგოს ძმა მაკარ ზარიძე იმ დროს იმყოფებოდა სოფელ კოთელიაში და როცა ამ სოფელში ამბავი მოვიდა, რომ ქართველები იკრიბებოდნენ საროს და ხიზაბაგერის დასაცავად, ამან იფიქრა, ჩემი ძმა თავყარიათ, არ გაჩერდება და იქ წავაო. სასწრაფოდ წამოვიდა ცხენით კოთელიიდან, დიდი სისწრაფით ჭენების გამო ცხენი გზაში სოფელ ვარევიანთან ხევში გაუსკდა და რაღას იზამდა, სირბილით გაიქცა სოფლისკენ. რომ გაიგო თავის ძმა წერაქუნტაში იყო წასული, ახლა გეზი იქითკენ აიღო, სადაც კლდის თავზე, უკვე ქართველები მოგროვლიყო. მაკარ პაპას უნდოდა ჩასვლა, მაგრამ არ გაუშვეს.

ამ დროს ვარევიდან მოსულა მენშევიკების მცირე რაზმი, რომელსაც შეუერთდა ჯავახეთის ქართული

სოფლებიდან წამოსული ჯარი. ეს ძალია მიანვა თათრებს, რომლებიც ფაქტურად ზურგში იყვნენ მოქცეულნი და თათარი დასწიეს დაბლა. მეორე მხრიდან წამოვიდა სარო-ხიზაბაგერის რაზმები, მაგრამ თათრის დიდძალ ჯარს ვერ გაუძლავდნენ. საბოლოოდ ამ ომს წერტილი დაესვა ჩუნჩხის ჯარმა, რომელმაც მდინარის მეორე მხრიდან, ზურგიდან დაუწყეს სროლა თათრებს და ამის შემდეგ მთლად აირია მათი ჯარი და სერვერ ბეგიც დაამარცხეს. გაქცეულებმა ჯერ ხერთვისს შეაფარა თავის, რომელსაც ხიზაბაგერის ჯარი გაუჩერებლად ზარბაზანიდან ესროდა, მოულოდნელად ზარბაზანი გასკდა სიმხურვალისგან და ორი ხიზაბაგერელი იმსხვერპლა. ამ ბრძოლაში თავი განსაკუთრებით გამოუჩინა საროს მღვდელს ვლადიმერ თუთბერიძეს, რომელიც მაქსიმკით პირდაპირ ჩამხტარა თათრების სანგარში, კახელი პოლკოვნიკი, რომელიც სანგრებზე მიტანილი იერიშის დროს მძიმედ დაჭრილა, გადაიყვანეს ბაკურიანის საავადმყოფოში, მაგრამ ვარგაჟის გზაზე გარდაცვლილა და იქვე დაუკრძალავთ. ხიზაბაგერელებს, ეფრემ ველიჯანაშვილს და სარველ ბერიკაცებს, რომელთა რაოდენობა ყოფილა ოც კაცამდე, ბერდენკის თოფებით შეიარაღებულებს, უშუალოდ საროსთან, ხევში, უამრავი თათარი დაუხოციათ, — თათრებმა დახოცოდათ სხიბთა დაკარგეს 2500 კაცი, ასევე ხიზაბაგერელებს ტყვედ ჩაბარდა დაახლოებით 800 თათარი. ბოლოს სროლა ნელ-ნელა შეწყდა, გადარჩენილი თათრების ნაწილებმა ხერთვისისკენ დაიხიეს, შემდეგ ჩავიდნენ თოჯელები, ნახეს რომ ორივე — სერგო ზარიძე და გაბრიელ ლეკიშვილი გარდაცვლილები იყვნენ, ამოიყვანეს და სოფელ თოჯის ეკლესიის ეზოში ორივე ერთად დაკრძალეს, ამის შემდეგ მენშევიკების ჯარის მეთაურს მაკარ პაპასთვის უთქვამს, რომ ჩვენმა მთავრობამ (იგულისხმება ნოე ჟორდანიას მთავრობა) თურქეთთან გააფორმა შეთანხმება და მესხეთ-ჯავახეთი თურქეთს გადაეცა, დღე-ღამეზე თურქეთის ჯარი შემოვიდა. ჩვენი ნაზრძანები გვაქვს, რომ დაგვეტოვებინა ახალქალაქი და გადაესულიყავით ბაკურიანში. ვარევიანთან შეგვატყუონენ, რომ ბრძოლა მიმდინარეობდა, ამიტომაც მოვედით, ჩვენ აქ გაჩერების უფლება არ გვაქვს და დღეს უკვე გადავალთ ბაკურიანში, ამიტომ თქვენ თავს თქვენ უნდა უპატრონოთ. ვინაიდან თათრებს ახალი ძალები ემატებოდა, ამას დაერთო მენშევიკების ჯარის გასვლა, ქართველები დაპანიკდნენ, ქართული სოფლები დაიცალა მოსახლეობისაგან, დაიწყო გაქცევები, ყველა ბაკურიანის ტყეებში გაიხიზნა. გზად მიმავალ ზარიძეებს ბაკურიანში გადასასვლელ მთებზე დახვდათ ყაზალახში

დასასრული მ-4 მ-3.

I ივნისი ზაფხვითა დაცვის საერთაშორისო დღა!

დალი მაჰიშვილი

ტყის ზღაპარი

ტყეო, ტყეო, ლამაზო,
გაზაფხული გვეწვია,
ჭიკჭიკის ხმაც გაისმის,
გალობს ჩიტი მზენვია.

გაიხსნება ცის თალი
თბილი იის ღეროდან,
ყველა ერთად ხალისით
იის მოსვლას ელოდა!

ფულუროში ვერ ნახავთ
ჩათბუნებულ ციყუნებს,
ცა ლურჯთვალა, კრიალა,
მზის თვალეზით გვიყურებს!

წეროებიც მობრძანდნენ,
გრძელკისერა გუნდებით,
ჩვენც გვიყვარსო ტყის სახლი,
ამიტომაც ვბრუნდებით!

წრუნუნებსაც სულ უკვირთ,
ნეტავ ასე რად ხდება,
ამდენ მზეცსა და ფრინველს
ერთად ყოფნა უნდებათ!

თავისთვის ზის ბუღბუღი,
ჰანგის მასწავლებელი,
ამბობს: არვინ არ არის
ჩვენი ხელის მხლებელი!

ზღარბი შვილებს არიგებს,
ღმერთმა ცუდი გაცილოთ,
თავმოშონენ დავედივარ,
სადმე არ შემარცხინოთ!

ყველა ერთურთს ვუღიმით,
ტკბილ სალამსაც ვთავაზობთ,
ტყემ რომ სულ იშრიალოს,
ტყე რომ გავალამაზოთ!

აბა დელი, დელია,
ტყის ზღაპარი ჩვენია,
ბუდე, ხავსი, ფულურო,
მოუთმენლად გველიან!

ჩიტუნების სამოსახლო

ივნისი ხეზე ჩიტბატონას
მთელი ოჯახები სახლობს,
მზიარული ჟივჭივია
აქვე, ბალის ახლომახლოს!

დედა ჩიტი ფრთაჭრელ ბარტყებს,
გადმოუღებს ლამაზ ანბანს,

ფრთებით ბგერებს მზის სხივებზე
მარცვალ-მარცვალ ჩამოაბამს!

კითხულობენ, ჭიკჭიკებენ,
სიხარული უნდა ნახოთ...
და დღითიღვე ენას იდგამს
ჩიტუნების სამოსახლო!

ფეფა მზე

დედა მზე რომ გაიღვიძებს,
ციდან სხივებს გზავნის ამ დროს,
დღე ბრწყინვალე აღამდება,
სანამ მოვლენ, მათზე დარდობს.

ცის ბროლი რომ ქრება თითქმის,
მზის სხივებმა რაღა ქარგონ?!
სათითაოდ სხივებს ითვლის,
სადმე არსად დამეკარგონ.

სკოლაში

შიდა სასკოლო პირველობა

საქართველოს დამოუკიდებლობის დღისად-
მი მიძღვნილ შიდა სასკოლო და სასკოლათაშო-
რისო სპორტულ ღონისძიებებს ასპინძის მუნიცი-
პალიტეტი შეუერთდა.

„საქართველოს თავისუფლების თამაშების“
ფარგლებში ასპინძის საჯარო სკოლის დარბაზში
3X3 კალათბურთის თამაშები ჩატარდა.

თამაშებში ასპინძის მუნიციპალიტეტის 4
საჯარო – ასპინძის, ოშორის, ტოლოშისა და ნა-
ქალაქევის სკოლების ვაჟებისა და გოგონების
გუნდები მონაწილეობდნენ.

ვაჟთა შორის პირველ საპრიზო ადგილზე
ტოლოშის საჯარო სკოლა გავიდა, მეორეზე –
ასპინძის, ხოლო მესამე ადგილზე – ნაქალაქევის
საჯარო სკოლა.

გოგონათა შორის პირველი ადგილი ტოლო-
შის საჯარო სკოლამ მოიპოვა, ხოლო მეორე ად-
გილზე ნაქალაქევის სკოლა გავიდა.

გამარჯვებულებს ასპინძის მუნიციპალიტე-
ტის მერიის კულტურის სამსახურმა მედლები და
სიგელები გადასცა.



დამოუკიდებლობის დღეს მიეძღვნა



საქართველოს დამოუკიდებლობისათვის მიძღვნილ შიდა
სასკოლო და სასკოლათაშორისი სპორტულ ღონისძიებებს ას-
პინძის მუნიციპალიტეტიც შეუერთდა.

„საქართველოს თავისუფლების თამაშები“-ის ფარგლებში

სპორტულ სახეობა მძლეოსნობაში – (100 მეტრ რბოლაში) გა-
იმართა ასპინძის ცენტრალურ სტადიონზე.

თამაშებში მონაწილეობდა ასპინძის მუნიციპალიტეტის 11
საჯარო სკოლა, კერძოდ – ასპინძის, ჭობარეთის, ნიჯგორის,
იდუმალის, ხერთვისის, ხიზაბავრის, ნაქალაქევის, საროს,
ოშორის, ტოლოშის და ოთის ვაჟთა და გოგონათა გუნდები.

აღნიშნულ შეჯიბრებაში გამოვლინდა გამარჯვებული გუნ-
დები:

ვაჟებში:

- I საპრიზო ადგილი დაიკავა ოთის საჯარო სკოლამ;
- II ადგილი – ხიზაბავრის საჯარო სკოლამ;
- III ადგილი – ოშორის საჯარო სკოლამ.

გოგონებში:

- I ადგილი – ტოლოშის საჯარო სკოლამ;
- II ადგილი – ხიზაბავრის საჯარო სკოლამ;
- III ადგილი – ოთის საჯარო სკოლამ.

გამარჯვებულებს ასპინძის მუნიციპალიტეტის მერიის
კულტურის სამსახურის მიერ მედლები და სიგელები გადა-
ცა.

თოხედი ზახიძეების გვარის ისტორია

დასაწყისი გვ.3

გახვეული ბავშვი, რომელიც ტიროდა, სერგოს
ძმამ იცნო ყაბალახი და თქვა, რომ ეს ჩუნჩხე-
ლი სესაძის შვილიაო. აიყვანეს ბავშვი და თან
ნაიყვანეს, ტყეში ნახეს ჩუნჩხელები და ბავშვი
თავის პატრონს ჩააბარეს. ეს ბავშვი გაიზარდა
და სიბერეში გარდაიცვალა, მას სიკვდილამდე
ჩუნჩხელები ზედმეტ სახელს „გადადგებულს“
ეძახდნენ. სოფლიდან მარტო ლეკიშვილები არ
გატყეულან და ჩაიკეტნენ თავიანთ სახლებში.
მოადგნენ თათრები მათ სახლის კარებს და
დაუნყეს დამტკრევა. რადგან კარები შიგნიდან
იყო ჩაკეტილი, ლეკიშვილებმა შიგნიდან ისრო-
ლეს, ერთი თათარი კარებში ადგილზე მოკვდა,

ერთი დაიჭრა. თათრებმა ერთი მოხუცი – 80
წლის ევგენ თამარაძე ნახეს და უთხრეს, რომ
ლეკიშვილები დაეყოლიებინათ, კარები გა-
ულე არაფერს დაგიპავებნო, ხელით კი ჩუმად
ანიშნებდა, არ გაულოთო. ეს ამბავი შეამჩნიეს
თათრებმა, ჩამოიყვანეს ევგენი ერდოდან,
სულ მთლად გააშთიშეს, მოკლეს და მერე
ქარაფიდან გადაადგეს. ლეკიშვილებმა ღამით
სახლის კედელი გამოთხარეს, გამოვიდნენ და
იმ ღამეს გადავიდნენ ბაკურიანში. სანამ ჩვენი
ხალხი წასული იყო, თოკის ბეგები დაბრუნე-
ბულან სოფელში, ეკლესიის ეზოში უნახიათ
ორი ახალი საფლავი და დაინტერესებულან,
ვისი არისო. ვინაიდან არავინ არ იცოდა ვისი
საფლავები იყო, ბეგებმა ამოათხრევინეს საფ-
ლავები და როცა დაინახეს რომ გაბრეღაი

და სერგო იყვნენ, სინანულით უთქვიათ – რა
ვაჟკაცები დაუხოციათო. ჰამიმ-ბეგს უთქვია,
ეს სერგო მანაც არ მოეკლათო. მერე ბეგებმა
უბრძანეს ორ თათარს, რომ ისევ დამარხეთო
და თითონ თავიანთ სახლებში წავიდნენ, ამ
ორი თათარიდან ერთმა სერგო პაპას გახადა
ჭრელი ნინდები და თითონ ჩაიკცა, ამას რა-
ღამი დასჭირდებო და ისევ დამარხეს ორივე,
მეორე თათარმა იფიქრა, ამ ცოდვას მე ვერ
გაუძლებო, წავიდა და ბეგებს უთხრა ეს ამბა-
ვი. ბეგებმა ისევ ნაიყვანეს ორივე თათარი და
უბრძანეს ამოთხარეთ მარტო სერგოს საფლა-
ვიო. თათარი გაჯიუტდა, არ ამოვთხრიო, მაგ-
რამ ამოათხრევინეს. ბეგებმა უთხრეს, სერგოს
წინდები ეცვა, რატომ არ აცვიაო, თათარმა
უთხრა ამას მანაც აღარ დასჭირდება, მე ფე-

ხეზე მცირე გავხადე და ჩავიცვიო, ბეგებმა
უთხრეს, სერგო რომ ცოცხალი ყოფილიყო,
გაუბედავდი წინდების გახდასო, თათარმა –
ვერაო, ჰოდა ჩათვალე რომ მე ვარ სერგო და
ეხლა გაიხადე, ჩააცვი და ისე დამარხეო. თა-
თარსაც რა უნდა ექნა, გაიხადა წინდები, ჩააც-
ვა სერგოს და ისევ დამარხა.

მთქმელი გიორგი ზარბიძე, 78 წლის (ეს
ამბავი მოუხმენია მამის იასონ ზარბიძესა-
ბან); აღნიშნულ ისტორიას გარკვეული ფაქ-
ტები დაუმატა ზვიად ზარბიძემ, რომელსაც
მოსმენილი აქვს მამისაგან – შალვა ზარბი-
ძისაბან; ასევე მცირედი ნაწილი დაამატა
ზურაბ თამარაძემ.

ჩაიწერა გიორგი ჯვარამიძემ 2025 წელს,
სოფელ თოკში

ინფორმაციები მოგვაწოდა ასპინძის მერიის ადმინისტრაციული სამსახურის საორგანიზაციო
განყოფილების უფროსმა ეკა კალაიჯიშვილმა

რედკოლეგია